



Broj: 05/2-11/3-322/26
Velika Kladuša, 04.05.2026. godine

Na osnovu člana 70. člana 69. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka sa zaključivanjem okvirnog sporazuma za nabavku radova – Rušenje bespravno izgrađenih objekata na području općine Velika Kladuša, Općinski načelnik Općine Velika Kladuša, donio je

ODLUKU **o poništenju postupka javne nabavke**

1. **Poništava se postupak** javne nabavke pokrenut donošenjem Odluke o pokretanju postupka javne nabavke broj: 05/2-11/3-322/26 od 18.02.2026. godine, te Obavještenjem broj: 299-1-3-20-3-27/26 objavljenim na stranici Agencije za javne nabavke dana 18.02.2026. godine, tip postupka otvoreni sa zaključivanjem okvirnog sporazuma za nabavku radova – Rušenje bespravno izgrađenih objekata na području općine Velika Kladuša.

2. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

Obrazloženje

Na osnovu Posebne odluke o pokretanju postupka javne nabavke broj: 05/2-11/3-322/26 pokrenut je dana 18.02.2026. godine postupak javne nabavke radova – Rušenje bespravno izgrađenih objekata na području općine Velika Kladuša.

Javna nabavka provedena je putem Otvorenog postupka sa zaključivanjem okvirnog sporazuma, a kao kriterij za dodjelu ugovora odabrana je najniža cijena. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-1-3-20-3-27/26 objavljeno je na Portalu javnih nabavki (ejn.gov.ba), dana 18.02.2026. godine. Procijenjena vrijednost nabavke iznosi 34.188,00 KM bez PDV-a.

Krajnji rok za dostavljanje ponuda bio je 12.03.2026. godine do 14:00 sati, a javno otvaranje ponuda izvršeno je 12.03.2026. godine u 14:15 sati, što je kostatovano Zapisnikom sa otvaranja ponuda od 12.03.2026. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-322/26 od 12.03.2026. godine konstatovala je da je Tendersku dokumentaciju preuzelo 14 (četnaest) ponuđača, a da su nakon isteka krajnjeg roka za dostavljanje ponuda za nabavku radova – Rušenje bespravno izgrađenih objekata na području općine Velika Kladuša pristigle 2 (dvije) ponude od strane ponuđača i to:

1. „MC STELLA“ d.o.o. Velika Kladuša sa cijenom od 34.188,00 KM bez PDV-a,
2. „SAFIĆ ELEKTRONICS“ d.o.o. Velika Kladuša sa cijenom od 33.950,00 KM bez PDV-a,

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude ponuđača: „MC STELLA“ d.o.o. Velika Kladaša, i „SAFIĆ ELEKTRONICS“ d.o.o. Velika Kladaša, ispunjavaju formalno - pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije.

E-aukcija za prihvatljive ponude zakazana je za 17.03.2026. godine. Nakon provedenog postupka e-aukcije 17.03.2026. godine započetog u 10:00:00 sati i završenog u 10:20:00 sati, te na osnovu Izvještaja o toku i završetku e-aukcije konačna rang lista ponuđača koji su učestvovali u e-aukciji je:

1. „MC STELLA“ d.o.o. Velika Kladaša sa cijenom od 23.900,00 KM bez PDV-a,
2. „SAFIĆ ELEKTRONICS“ d.o.o. Velika Kladaša sa cijenom od 25.000,00 KM bez PDV-a,

Shodno utvrđenoj rang listi ponuđača nakon provedene e-aukcije 17.03.2026.godine, Komisija za javne nabavke u svom Izvještaju o radu Komisije nakon završene e-aukcije Zapisnik broj: 05/2-11/3-322/26 od 18.03.2026. godine dala je Općinskom načelniku preporuku da donese Odluku o dodjeli ugovora za javnu nabavku radova – Rušenje bespravno izgrađenih objekata na području općine Velika Kladaša, kao najpovoljnijem ponuđaču, „MC STELLA“ d.o.o. Velika Kladaša sa cijenom od 23.900,00 KM bez Pdv-a, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i Općih akata.


Ponuđaču „MC Stella“ d.o.o. ponuđen je ugovor dana 06.04.2026. godine, međutim isti je odustao od njegovog potpisivanja, o čemu je putem protokola dostavio dopis zaprimljen 30.04.2026. godine, u kojem je naveo da odustaje od predmetnog ugovora. Nakon toga, obaviještena je firma „Safić Electronics“ da će joj, kao drugorangiranom ponuđaču, biti ponuđen predmetni ugovor, ali je i navedena firma odustala od njegovog potpisivanja, o čemu je obavijest dostavila putem e-maila dana 04.05.2026. godine.

Članom 69. stav (1) Zakona o javnim nabavkama propisano je: „Postupak javne nabavke može se okončati: a) zaključenjem ugovora o javnoj nabavci ili okvirnog sporazuma ili b) poništenjem javne nabavke.“

S obzirom na naprijed izneseno, odlučeno je kao u dispozitivu Rješenja.


UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:


Aida Čerimagić

Kontrolisao:

Pomoćnik Općinskog načelnika za finansije,
računovodstvo i javne nabavke


Sebila Dervić-Melkić



Dostaviti:

1. Ponuđačima 2x,
2. Predlagaču javne nabavke,
3. Služba za upravu, društvene djelatnosti i zajedničke poslove (web stranica),
3. U spis.